



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon  
Prussiae**

**Petrus <de Dusburg>**

**Francofurti ; Lipsiae ; Regiom. Pruss., 1679**

Cap. CCXI. De Aedificatione Castri novi in terra Sambiae supra littus maris  
Salsi, in Neria Curoniensi.

**urn:nbn:de:hbz:466:1-11850**

**A**Nno Dn. MCCLXXXIII. octingenti Viri de Lethovia equites tempore hyemali per (a) Neriam Curonensem intraverunt Sambiensem terram & dico territoria ejus scil. (b) Abendam & Pubetam per incendium & rapinam vexaverunt, occidentes CL. homines Christianos, & nullo eis resistente omnes salvi redierunt. Hoc ideo accidisse creditur indubitanter, quia Magister & fratres præscentes ipsos Lethovinos venturos, expectabant eos cum Exercitu per dies aliquot, tandem attædiati de longâ morâ, quam in via ultra solitum contraxerat, dispersi redierunt ad propria. Sequenti autem die Lethovini intraverunt Sambiam, & sine aliquo defensionis obstaculo fecerunt quod superius est præmissum.

## ANIMADVERSIONES.

- (a) Neria Curonensis (Die Churische Nârung) vocatur angustia illa terra, quæ est inter locum Curonensem (Churisch Haff dicitur) & mare Balticum. Illa verò terra, quæ est inter lacum recentem (Frisch Haff) & mare Balticum, vocatur die Danzker Nârung.  
(b) Jeroschinus habet Pobeten und Beten. Strykovius eo modo legit, ut à nobis ex Regiomontano exhibentur Codice.

## CAP. CCXI.

*De*  
**Ædificatione Castri novi in terra Sambia supra littus maris Salsi, in Neria (a) Curoniensi.**

**F**Rater Conradus Magister, ut vir sapiens & providus, considerans, quod per Neriam, viam utique occultam, possent fratribus & terra Sambia multa danana & pericula ab infidelibus sub-

*Hartmannus C. de Helderungen VIII. Mag. Gen. Ord. Teuton.  
Conradus de Tierberg Junior XII. Mag. Prov. Prussia.*

suboriri, ædificare fecit in dicta Neria super littus maris falsi castrum firmum, quod dicitur (b) Nova domus, ne Lethoyvini terram Sambia intrent à modo improvisè.

ANIMADVERSIONES.

AD CAP. CCXI.

(a) Sic Codex Regiomontanus legit, ut & Thoruniensis. Sed manifestus est error librariorum. Neque ex Elbingensi Exemplari hoc correxit Dn. Zamelius, adeò ut appareat hæc exemplaria ex eodem esse fonte ducta.

(b) Neuhaus hodiè uno tantum milliari distat ab urbe Regiomontana. Quando autem ex loco à Dusburgio determinato eo sit translatum non constat. Habetur ad Nihusium Theriotrophium amplissimum.

CAPUT CCXII.

DE

*Expugnatione Castri Kymenovia, &  
conversione mille & sexcentorum Sudovvitarum.*

HOC etiam tempore idem fr. Conradus Magister circa officium sibi injunctum sollicitus multas noctes in somnis deduxit cogitans quomodo inimicos fidei Sudovvitas ad viam duceret veritatis. Undè ad hoc perficiendum congregatâ multitudine copiosâ fratrum & aliorum pugnatorum dum in via esset versus Sudovviam, occurrit ei fr. Ludevvicus de Libentle, ducens secum Cantegerdam, qui ipsum captivum detinuerat, & mille & sexcentos homines de Sudovia promiscui sexûs, quos in captivitate positus ad fidem Christi convertit, quibus visis Magister gavissus est, & jussit eos procedere versus terram